



21. august 2009

UKA 2009/74

Inatsisartut suleriaasianni § 36, immikkoortoq 2 naapertorlugu matumuuna imaattumik Naalackersuisunut apeqquteqarpugut:

Naalackersuisunut apeqqut: Sanaqateqarluni illuliortarnermik aqqissuussineq nutaajusoq pillugu iluaqutaasut aamma/imaluunniit ajoqutaasut suuppat? Piffissap imaalinerani aqqissuussinerup allanngortinneqarnissaa Naalackersuisunit pilersaarutigineqarpa? Taamaassimappat allannguutit suut eqqarsaataappat?

(ATASSUT-ip Inatsisartuni ilaasortaaitai: Finn Karlsen, Siverth K. Heilmann, Knud Kristiansen)

Tunngavilersuut:

Ilisimaneqartutut 1. januar 2008 nammineerluni illuliortarnermik aqqissuussineq taarserneqarpoq sanaqateqarluni illuliortarnermik aqqissuussinermik, allannguinermilu ilaatigut aamma aningaasalersueriaaseq allanngortinneqarpoq.

ATASSUT-mi ilisimatinneqarnerput naapertorlugu aqqissuussinermut pisoqqamut, tassa nammineerluni illuliorniarnermi taarsigassarsinnaanermut sanilliullugu sanaqateqarluni illuliorsinnaanermut taarsigassarsiniarsinnaaneq ajornarnerulersimavoq, taamatuttaaq ilisimatinneqarnerput naapertorlugu kommuneni assigiinngitsuni aammalu nunap immikkoortuini assigiinngitsuni sanaartorfigissaanermut akiliutissatut piumasaqaatit annertuumik assigiinngissuseqarsimasut.

Kalaallit Nunatsinni innuttaasut amerlanerpaat namminneerlutik angerlarsimaffigisaminnik piginnittuunissaannik siunertaqarneq ATASSUT-mit tamakkiisumik tapersersugaraarput, taamaammallu suliniutit suulluunniit anguniakkamut qanillisaataasut pitsaanerpaatinneqarnissaat soorunami aamma soqutigisaraarput.

Taamaammat matumuuna Naalackersuisut akissuteqaqquagut sanaqateqarluni illuliortarnermik aqqissuussineq nutaajusoq pillugu iluaqutaasut aamma/imaluunniit ajoqutaasut suunersut pillugit aammalu piffissap imaalinerani aqqissuussinerup allanngortinneqarnissaa Naalackersuisunit pilersaarutigineqarnerseq kiisalu taamaassimappat allannguutit suut eqqarsaataanersut.